



明詩正聲卷四十四 五言排律二

廣陵

盧純學

江一夔校閱


入關

陳東

海國深秋別山關入望窮人家青壁裏鳥道綠
蘿中地暖收蒟葉天寒折桂叢嵐蒸晴亦雨瀑
落靜還風靈藥繙經識訛言待譯通問畊留野
老賦食與山童直是忘機甚非將大隱同

大伾山

尚志



花縣通危障蒼山逼古城諸峰伏地起孤岫倚
天清俯帶淇流險遙襄晉嶺平松巢留鶴羽蘭
若問僧名古洞含靈潤平沙帶晚晴河湟中野
曲禹蹟尚縱橫

王襄敏墓

龍飛御宸極豹變值明時玉塞胡烟滅金河虜
陣移崇勲熙帝載殊錫荷皇慈拜大謀應
遠才高毀竟隨隕星泣漢將酌酒荷胡兒麟閣
堪圖畫邊功絕鼎彝

送莫子良謝病歸

喬世寧

仙郎辭畫省遙望水雲居自歎江蘼晚歸逢海
鴈初風流張季子愁病馬相如白紵憐吳客滄
浪信楚漁沉冥玄理暢蕭散吏情疎日月應須
惜神仙擬是虛鶴亭還對酒鳳嶽且開廬玉樹
能消渴丹崖好著書春芳誰共汝烟水渺愁予
莫作東山卧蒼生屬望餘

和荅懋涵

上書長不達把袂忽同遊未覺風情減寧傷年

鬢秋平生介然分之子藐焉儔出谷鷲求友停
橈月隱洲幾年中散駕今日越人舟緩步長楸
近文瀾曲水浮榴花初夏醉桃葉別時愁好在
江南夢尋君到蔣州

似樓十韻為太宰李公題

林爓

名園開別業輪奐儼層空一水憑軒外千峰捲
幔中煙霞凝棟宇花木隱房櫳巖峻偏留日林
深易響風雲梯寧假構天路卽疑通玄理緣茲
悟幽襟孰與同浮生憐鹿夢無始問鴻濛應試

東山賞從來興不窮

吳都諫自嶺表還喜而有贈

南去投荒客那知復北轅遺簪甘永棄前席竟
殊恩瘴嶺環初賜連城璧已存舊交惟我在往
事與誰論九死餘丹悃三湘積淚痕應持蘇武
節灑血茂陵原

春日烏石山庵追憶昔時陳劉二先輩招

遊

禪室倚巖顛逶迤石徑懸居然在城市迥自隔

人煙百雉窓中盡群山戶外連微茫辨海島縹
緲接雲天谷靜應清磬林香襲梵筵布金知往
日卓錫問何年暫息塵寰擾聊依淨土偏無生
心已悟不住法誰傳嘉遯遺朱紱冥搜結白蓮
追陪曾謬忝高論一懷賢

楓橋舟中與子循別

皇甫湜

落日下離津江天引望頻黯然對尊酒惜爾向
風塵白海迷來鴈清霜畏旅人從知比柯葉信
是共沉淪政理操刀暇交情贈縞新班荆懷雨
露投壁謝緇磷阮籍窮途淚平原世網身何能
亦漂泊谷口正逢春

月潭寺

皇甫湜

瘴嶺鬱風烟迢遙路八千羅施稱鬼國兜率見
人天幽洞穿雲際危樓架水邊澄鮮因悟寂照
朗自通圓有客嗟行役逢僧叩業緣皈心無別
旨委順即安禪

觀九龍池

王廷幹

龍門開碧苑池色映丹丘芳樹綠堦轉清泉入

戶流名園花氣藹虛谷鳥聲幽草閣停清蹕
雲峯帶彩旒水憐空鑑照山望斷烟浮即此
消千慮何須覽十洲

送李太守之東昌

李攀龍

諸侯辭北渚千騎向東方十二稱天府風煙接
帝鄉地形來海岱漕輓自徐揚春滿絃歌邑花
明太守章射書延上客照乘得高唐寇息解刀
劔人和下鳳凰軒帷寒雨雪郡閣卧星霜治行
兼經術諸曹借寵光

賦得邊馬有歸思

飛將驅天廐乘秋踏大荒三軍呼驟騎一戰蹶
名王急難才堪老橫行勢可當嘶聲悲漢月顧
影淨胡霜總轡陰山上鳴鑣瀚海旁何如春草
色蹀躞向長揚

再上少宰誦德述懷

弱冠登高第詞林擁重名兩朝廷侍從空冀走
諸生身自宮僚備親看國史行稍遷猶八座加
授即孤卿不盡兼曹美長餘列署清文章關王

明言上卷
卷之四十四
五
氣儒術定家聲羽翼衝天就波瀾赴海成見知
同筆研記憶控銓衡雞肋才華薄羊裘物色輕
人應疑畫餅君但入調羹北斗如相照南山亦
至情少微雖冗宿同向掖垣明

燕京篇

燕京豪俠地杯酒為君陳雙闕西山下諸陵北
海濱薊門行雨雪黍谷變陽春騶衍初臨碣荆
軻故入秦黃金來駿馬白璧售佳人定鼎還
先帝千年正紫宸

荅謝茂秦遊盤山詩

愛爾躋攀處竒踪滿報章山盤元氣出寺抱翠
微藏拂石搖天影披花帶雨香千峰回白首萬
壑步清霜鼓角關榆墮旌旗塞草長陰風來大
漠秋日下漁陽海色秦城外邊聲漢苑傍欲因
臨望代遂得紀金湯

送楊給事河南召募

醜虜休南牧朝廷議北征握中新授律天下大
徵兵使者持符出君推抗疏名黃金秋突兀白

羽日縱橫嶽雪三花秀河水萬馬行將軍邀劇
孟公子得侯嬴屠販多豪傑風塵鬱戰爭有呼
皆左袒無役不先鳴寧久燕山成終期瀚海清
過梁投賦筆更為請長纓

香山寺

往時占紫氣馬上看香爐不是尋幽到其如
興孤迴標臨北極秀色攬西湖樹杪諸天出階
前衆壑趨花臺騫地起風鐸蔽簷呼月抱蟾蜍
石星搖舍利珠玉毫侵瀑水金相湧浮屠妙偈
傳從竺高僧至自胡法輪皆帝力下界復神都
行幸當年事人王握大符

人日同元美子與公實集子相宅

年華開此宴春色又長安得日人相勞披雲客
共懽貼屏皆彩勝佐酒尚辛盤北鴈先花發西
山過雪看文章投璧盡心事斷金寒不但蕭朱
輩論文自古難

哭梁公實

客有燕山至傳君喪海隅含香情不厭于穀事

還迂詞翰家長技經綸國大儒天心曾爾輩雪
涕自吾徒精氣乘朱鳥浮生過白駒所悲無舊
物此道失前驅

其二

從此微言絕何當大夢醒人間矜意氣地下闢
精靈虛室還生白遺編竟殺青浮名流景過夫
子望秋零同舍悲離索投詩哭杳冥山陽風雨
夜隣笛不堪聽

宿華頂玉井樓

玉井通溟海朱樓冠削成波傳潮汐到檻接斗
牛平虎魄侵燈出蓮花倚枕生拂盆雲髮暗映
掌月珠明犯座人間象浮槎世上情不愁更漏
絕石鼓自能鳴

夏日張茂才見枉林園

殘書開積雨高枕對重林非爾乘幽興無人惠
好音分寧鷄黍薄交自布衣深不改青松色堪
知白雪心諸生貧嗜酒多病老抽簪何必論丘
壑君門揔陸沉

運使者吏人需求被註誤

吳維嶽

從宦元非巧居卑却為貧如何南去舫更作左
遷人篋貯攀轅頌衣餘負弩塵芷蘭湘岸夕風
雨岳樓春不用文悲屈須知族並荀督郵如又
至東帶莫辭頻

送顧天臣偕謝茂秦南還

王世貞

遊客爭歸趙虞卿亦見尋立談雙白壁笑却千
黃金解道國恩重誰同交誼深崎嶇依一老流
落見餘心擊筑無燕市羈栖有越吟揖余還拂

袖碣石暮雲沉

秋夜同李申登白雲樓

吏歸西省鑰人倚白雲樓惜晝仍呼燭驚寒憶
授裘霜餘薊領出暝表漢宮浮刁斗金吾夜關
城玉杵秋放歌天籟合吹笛露華收客是陳登
侶予仍王粲游盛時雙涕淚非土並淹留歲月
孤踪偶乾坤萬象稠大夫應有賦珎重向誰投
于鱗郡齋

不淺停車興寧因戀濁醪客顏回把袂吾手任

明言正聲 卷之四十四
持螯十日布衣飲千秋冠蓋勞北風寒趙瑟明
月隱吳刀湖海身難下乾坤首重搔宦情餘汝
在物譽借詩逃一別安孤枕相知仗二毛白雲
空在望誰益太行高

贈梅將軍

無論漢飛將馳射爾誰先一劍酬知己千金結
少年建牙滄海日揮羽薊門烟韎韜戎王錦珊
瑚宛馬鞭乾坤兵事重將帥 主恩偏欲問汾
陽貴吾誇未遇前

奉送大司寇應公

沒効心初遂生平節未磷兩朝均出入一代借
陶甄有念俱生物無營獨任真向傳銅柱徼曾
擁繡衣巡羌笮乾坤盡甘棠雨露勻戢兵驅揖
讓吹律起沉淪直道萋菲易歸裝薏苡貧至今
看頌德猶自滿文身海岱嚴旌鉞阿衡領縉紳
名齊山相遠治訪蓋公純北斗官逾貴西曹法
轉新自來惟重意或少不寃民

經功德廢寺

古寺逢人語 宣皇御輦過散香羣帝下迎蹕
萬靈呵水束蟠丹砌虹垂飲碧蘿雕梁扶日月
繡障擁山河果失阿羅漢綠空堵窳波嘶鳴來
白馬剝鑿悵青螺賜額苔全卧殘碑兩自磨稅
龍陰吐甲壁剝暮揚戈佛坐狐禪倨僧房鳥跡
多化城歸一劫淨土讓諸魔函舌驚珠梵泉音
想玉珂低昂人代有生滅竟如何

寄俞丈兵使汝成

握手潭沱色相看又轉蓬建牙秋鳥外乘障白
雲中手削三關險身先六郡雄舉軍驕塞月萬
馬聽秋風行路難毋問從軍樂未窮勿投班氏
筆留寫漢臣功

游靈巖寺

懶怯靈巖勝驚看即道傍天垂孤剝出地轉萬
峰藏橋石鯨飛動烟嵐驚渺茫山形界齊魯榜
字接隋唐虎坐俄拏攫虬潛欲奮揚臘留祇樹
色春勒寶花香伏水侵禪座歸雲護講堂慈篁
深歲月忍草足冰霜飽進茵陳飯眠酣蒼蔚房

日言上卷之四十四
微吟和清磬步屨信迴廊許椽談推解陶公醉
不妨莫疑車馬客爾亦困津梁

富陽至桐廬道中

揚舲溯流上秋色競紛紛翠荇波仍繡丹楓壁
自文路疑千嶺盡山為一江分夕照高低出灘
聲遠近聞薜衣過木客柈酒問桐君欲叩幽棲
意峰峰多白雲

送大梁李公轉東藩左轄

徐中行

賦別復梁園高秋鼓吹喧張旌臨北海馮軾下
中原賜履東秦壯登封泰嶽尊河山開日觀星
斗挂天門闕里風堪問明堂跡尚存齊名慚李
固對榻戀陳蕃湖月邀仙舫峯雲落酒樽誰憐
虛左地長憶信陵恩

同張肖甫送廼兄張山人還蜀

兄弟金臺別依依玉樹柯鳴琴悽蜀調把酒醉
燕歌曉騎停楊柳春衣換薜蘿回車赤岸近卧
閣白雲多月度峨眉夜花飛錦水波著書藏小
酉種藥滿中阿風物三巴盡蓬蒿二仲過他時

登海嶠莫惜示羊何

冬日述懷示元美

吳國倫

偃蹇誰青眼飛揚獨素毫途窮群態見物役此
身勞趨走偏雞舌聲華忝鳳毛異時難遽料清
世敢言逃楚璧甘人棄齊竽恥自操詎能栖枳
棘只合卧蓬蒿多事容欹枕孤懷且濁醪閉門
惟藥裹扶杖即蘭皋郎署還持戟名家有佩刀
寸心歸鮑子尺牘謝山濤生死交期在風霜病
骨高斯文未應喪天豈厭吾曹

與子相飲遲元美

春事忽云暮浮生宜醉中鳴珂燕市滿看劔薊
門雄策足慚吾蹇揮毫見爾工鬢知何日白花
自上林紅樹擁飛觴月天回岸幘風登樓有奇
思未與仲宣同

送陳睢陽擢兵使入蜀

上國名爭識中州遇亦奇三洲傾抵掌二室欸
揚眉問政先經術論文藉酒卮吏才分竹重友
道握蘭知溟海騰方力釣天夢不疑十年耽卧

閣萬里召登陴旋珥游梁筆親函諭蜀詞居人
歌五袴候騎擁雙麾九坂青驄躍孤軍白羽持
棧懸天只尺江湧雪離披別思聞猿劇裁書到
鴈遲且携關塞手斟酌歲寒期

遊鳳棲洞十八韻

莫問秦源僻誰探禹蹟幽山靈開鳳穴礪瀨瀉
龍湫宛轉青蘿徑空濛白玉樓區中疑乍闢物
外此竒搜牖結千巖霧松吹萬壑秋攬衣晴雪
擁捫壁畫星流應鼓蟾蜍闔迎燈罔象愁九莖

披赤館一粟啓丹丘忽覩朱旗閃旋驚翠幘收
珠宮時隱見乳窟半沉浮月抱禪林榻沙維陸
海舟神鞭驅未息狄掌覆能留石匣羣仙秘雲
根五色抽坐當鯨甲奮行迫蜃臺遊已足超河
漢猶妨犯斗牛經過成變幻樽酒恣綢繆便欲
逃清世無勞羨隱侯凌崖簇長嘯天外散鳴璫

余以初春抵大梁未數日即同徐行父憲
使巡行諸郡邑比還邸中則秋矣爰賦

一詩紀事

何意逢徐孺中原托勝遊光輝延楚璧意氣拭
吳鉤地迥陰陽合時平帶甲收初花迎攬轡淺
雪擁披裘柳障金堤暗雲連石室幽行春馳馬
坂弔古及鴻溝二月黃河渡孤帆青翰舟川原
開壯麗來徃信綢繆封父壚全瘠中郎碣半留
論文過菟苑把手問葵丘六鷁飛仍退時過宋
遇大風
雙熊役未休纔看謝桃李忽漫發葵榴入眼芳
華遍驚心大火流夜分便露寢晨起迫星郵暑
雨疲朱紱塵氛厭白頭偶經陳蔡里更觸古今
愁望嶽三塗近宣風二紀周簿書存感慨禾黍
動歌謳鄭圃人安在洪堤術未酬深杯相慰藉
款語見沈浮倦益梁園病愚分杞國憂每勞虛
左席何敢望前籌明月懸官署斜陽薄戍樓詩
成偏擊楫酒罷復鳴騶只縱登臨興寧知歲序
適信陵臺畔草息駕已新秋

賦得臨池柳

拂岸青陰合縈堤翠色稠聲從笛裏聽影徇鏡
中浮水與柔情漾波將舞態留腰肢憐楚細眉

明詩正卷之四十四
三
黛學孫愁濯濯恒籠霧依依詎耐秋堪憐張緒
去誰復擬風流

留別峻伯

宗臣

握手殊難盡論心日轉紆更誰憐鳳鳥為爾繫
驪駒明月參相照浮雲互自踰客途從浩蕩帝
里只須臾群貴安危在孤身去住俱豈知江海
上不有報恩珠

夜過明卿遲元美不至

楚客傲如昔燕臺高至今雙珠明月動孤劍曉

星侵天地看人盡冠裳避世深窮途惟白雪失
計自黃金詞賦偏生色風塵易折心何如王逸
少此夕負山陰

送董克平宰六合

謝榛

東南動星宿淮海得郎官王氣秣陵近潮聲瓜
步寒歌謠知俗變案牘坐更殘古劍還誰識瑤
琴且自彈早鶯啼縣郭春草徧江干驥足知君
健風雲百里看

寄王侍御

明言正卷
卷之四十四
君王重簡命爾志在澄清節鉞分西顧風雲護
北征羽旗荒外合驄馬雪中行直渡桑乾水還
臨驃騎營九關多猛士百戰有長城夜半仍傳
檄天寒未解兵竒才逢聖代雄略見儒生獨仗
防邊策能收抗疏名

送朱駕部伯鄰使塞上

早發佩龍泉行看紫氣纏寒雲抱亭障枯柳散
烏鴛嶺暗飛狐雪關門白馬天風塵諸將老任
俠五陵傳北使明星動南心片月懸誰從寶車

騎萬里勒燕然

送王安慶

結綠殊增價飛黃早出羣賢聲定皖國經術自
河汾竹馬來童子蒲鞭得使君訟庭閒晚照官
樹澹春雲文物古今勝江山吳楚分歌謠起中
夜應向月中聞

少司馬蘇公之鎮

旌旆發長安邊庭報築壇寒鉦殷地響霜劍臨
人寒青海連兵苦黃金結士驩論功多汗馬應

募有材官漢檄雲中度班銘石上看雄圖驃騎
在一戰取樓蘭

白雪樓同徐以言諸比部夜賦

西署鳳城陬聊為秉燭游和歌半吳越南北有
曹劉白髮唯孤劍清風共一樓苑鐘疎靜夜宮
月澹初秋露上金莖重河連玉闕浮靈文猶漢
代仙樂自燕州歲序紛吾感山川壯此留又驚
天外鴈縹緲下滄洲

送劉子旭使雲中

君才班馬流十度帝京遊聖代開奇璞春
風晚敞裘長懷漢室策獨抱杞人憂地曠笳逾
慘沙寒鴈不留壯心看劍鏑屈指計刀頭千古
儒生輩誰期定遠侯

庚戌八月二十二日恭聞奉天殿視朝

上苑涼飈起西山瑞靄濃玉珂天漢路金闕午
時鐘劍佩鑪香近旌旗日影重宮墻落楊柳水
檻出芙蓉萬舞趨丹鳳千官識袞龍遙傳北伐
詔光耀紫泥封

姜節之太史宅對雪

向夕變山川寒深歲暮天玉堂輝自動瑤闕燦
相連酒訝新豐貴冰增太液堅媚春殊可賦照
夜迥堪憐留滯龍門客逍遙鶴氅仙共看漢太
史還為紀華年

童侍御謫嶺南

帆度三江盡雲飛五嶺遲炎方殊物色秋水澹
心期地遠身仍健官清俗可移瘴烟聊復酒海
月尚堪詩正氣驚山鬼威名伏島夷羅浮春萬

里遷客寄書時

劉稽勳宅賦雪

春歸紫禁城脉脉雪花明照夜千山色因風萬
戶聲卧袁真是嬾訪戴亦多情古劍靈常動冰
壺虛更清中朝深啓事東郭但浮名郢曲今誰
和燕歌老自平

寄別陸明府道函

朔風吹萬里何事復燕都門發星前騎城翻雪
後烏征塵上短褐落日照長途趙北黃雲斷漳

南白草枯生涯人自老愁思鴈相呼梁苑多詞
客高陽一酒徒昔遊同授簡夜醉更樗蒲為寄
潘懷縣聲名是壯圖

寄別丁內黃

向月琴無侶衝星劍有神栖遲元靜者漂泊故
愁人薄俗交難定同鄉情易親客途經雪冷官
柳隔年新天遠飛鳧舄時清老角巾何當共樽
酒重醉 帝京春

贈史中丞

千載東南計三秋戰守功陣雲回氣色匣劍閉
雌雄往事長歌外流年高卧中風霜唯勁竹江
海一冥鴻薄俗懷巢父幽期得阮公醉來論世
故認許老夫同

天寧寺塔

舍利藏千古靈光夜夜開簷高色界盡天近法
雲來鶴自虛空轉龍將風雨迴地形標疊障河
勢見三臺徒向人間老深慙鄴下才因從遠公
社登眺思悠哉

寄懷于鱗使君

保障今三輔誰言是薄游掄才傾漢署為郡動
燕州不寐冰霜夜高懷風雨秋人間多宦迹海
內此名流白壁時方抱青山道可求曾憐鸚鵡
賦更憶鸛鷄裘大雅終誰定狂歌豈自謀翩翩
五騮馬泛泛一沙鷗襄國烟中樹漳河月下舟
遙知共叅佐吟眺正登樓

送張比部汝任募兵太原

拂曙別承明輶軒西北行天迴濁河水山擁太
原城榆塞霜中色蘆笳月下聲四愁今日最孤
嘯幾時平慷慨深酬主艱難始募兵良駒輕道
路壯士重功名雲斷黃花戍風連細柳營牙旗
翻豹影寶劔奪龍精烽火當秋急疆場計日清
歸來上封事應悉九邊情

塞下

滿天秋氣動木葉下居庸笳墮征夫淚沙交戰
馬蹤亂雲連萬壘孤鴈度千峰迴合關城路馳
驅塵土容山橫邊色斷日沒野陰重朔吹翻旗

影寒霜上劔鋒幾年頻出塞百戰苦妨農廟略
今長畫軍儲日遠供檄書飛涿鹿候火照盧龍
會見旄頭落何人勒景鐘

其二

青山行不斷獨馬去遲遲宿霧開軍壘寒城見
酒旗沙連天盡處霜重日高時慘澹兵戈氣蕭
條榆柳枝黃河帶西北紫塞限華夷烽燧重關
動誅求列郡悲軋坤疲戰伐將相繫安危寄語
籌邊者功名當自知

山雪

李汝蘭

山雪照晴嵐山人睡正酣飢烏啼古戍落鴈起
寒潭野服初添絮朝冠久卸簪交情貧後見世
故靜中諳避俗作巢父全生學老聃草堂有樽
酒獨酌對終南



自
言
一
卷

卷
之
四
四

三
二

